

PUOGAE YA MOPHATO 3

Letsholo la kwa lewatleng



SETSWANA

Maemo:

1

Buka

2



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a bothata pele barutwana ba buisa kgang.

Puiso ya ntsha

- Barutwana ba tshwanetse go buisa sekwalwa ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' sekwalwa.
- Tsamaya, tsamaya go tswa mo morutwana go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

Motlotlo

- Botsa dipotso tsa tekatlhologanyo tse di ikaegileng ka sekwalwa.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka dipara kgotsa ka bongwe ka bongwe.(Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeeditsweng kwa morago ga buka e. (Tlhophha ditirwana tse di lebaneng maemo a barutwana)



Letla barutwana go diragatsa kgang fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeeditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

Letsholo lwa kwa lewatleng



Josefa, Thabo, Marethla le
Mohamete e ne e le bana baba
lekeletsang thata. Ba ne ba rata
go palama dithaba, le go thuma
mo letamong le go thobunyela mo
lewatleng.

Letsatsi lengwe bana ba bane ba
ne ba swetsa gore ba batla go
tsaya leeto ka sekepe go bona
lewatle.


"A re lebeleleng mmepe mme a o
ke o lebelele gore re ya go sesela
kae," ga bua Thabo.



Ba ne ba paka dilo tse di latelang
mo dipaketeng tsa kwa morago:
mmepe, kompase, thipa ya
mokopelwane, dikgetsana tsa go
robala di le 4, totšhe, khamera le
dijo tse di lekaneng kgwedi.

“Re se ka ra lebala dibaki tsa rona
tsa botshelo,” ga bua Josefa.

Ya re dilo tsotlhé di pakilwe sentle
e bile go le boitumelo, bana ba bane
ba tloga ka phirimane, mme ba
sesa mo lewatleng.




Ba ya kwa godimo le kwa tlase le makhubu a lewatle. ba sesa bosigo botlhe. Phefo e ntse e tsubutla le makhubu a ntse a gasa sekepe ka metsi.



Mohamete a bona lesedi le ntse
le phatsima kwa bokgakaleng.
A tsaya thelesekoupu mme a
palamela kwa godingwana mo
sentlhageng sa sekepe gore a
kgone go bona sekepe se
sengwe sentle.

"E ka nna mang tota?" ga botsa
Mareta.

"E ka nna sekepe sa
bapalami kgotsa
sekepe sa dithoto,"
ga bua Josefa.





Sekepe sa nna sa atamela sa bo
sa atamela, go fitlhha bana ba bane
ba kgona go bona difatlhego tse di
tshosang mo sekepeng se sengwe.

Bana ba ne ba tshoga thata fa ba
bona gore ba lebega jang.

"Tlhokomela! Ke magodu a
dikepe!" ga goa Thabo.

"Magodu a dikepe ke eng?" ga
botsa Mohamete.

"Ke batho ba ba utswang dithoto
tsa basesi kana boradikepe ba
bangwe," ga bua Thabo.



"A re ipaakanyetseng go Iwantsha magodu a a dikepe bosing jo," ga bua Thabo.

Ntle le letshogo bana ba tsaya dibetsa tsa bona tsa marumo a batsadi ba bona ba ba fileng ona ka malatsi a bona a botsalo.

"Mokapotene Josefa re etelele pele! Re tlaa ema mo motlhaleng wa gago!" ga goa Mohamete, Mareta le Thabo.



"Magodu ke lona, le tsamaele kgakala le rona!" bana ba goa. Mokapotene Josefa a bolelela Thabo gore a bitse setlhophpha sa phaloso.

Mme morago ba utlwa modumo wa helikopotara ya phaloso. Bana ba bo ba re huuu! ba wela makgwafo. Pitso ya Mokapotene Josefa e e botlhale ya ba tlisetsa pabalesego le tshireletsego. Magodu a dikepe ka bonako ba retolola sekepe sa bona mme ba tshabela mo lefifing la bosigo.




"Huree!" ga goa bana ka boitumelo.
"Re babalesegile!"
"Magodu a dikepe a tshabile!"
"Mokapotene Josefa ke mogaka wa
rona! Fa a le teng kotsi ga se sepe!"
ga goa bana.

E ne e setse e le ka nako ya
makuku, diphefo di ne di emisitse
mme go ne go sa tlhole go le kotsi
epe. Bana ba sesela kgakajana
mo leetong la bona. Ba ne ba
itumeletse gore ba ka tswelela le
go utolola lefatshe lotlhe jaanong.



Ba sesa go tloga kwa Bokone go ya kwa Borwa mme ba kopana le bana ba dinaga tse di farologaneng tsa lefatshe lotlhe. Fa ba boela gae ba bontsha batsadi ba bona ditshwantsho le dinepe tse ba di tsereng. Ba ne ba sa kgale mathe ganong fa ba bua ka ga leeto la bona la boitapoloso.

**Fa botshelo bo go tlela ka
sengwe se se go tshosang,
ke fa botshelo bo go tlela
ka tšhono ya gore o NNE
PELOKGALE!**





Bana ba lefatshe

Look at the pictures and see from which places these children come from.

CANADA



SPAIN



ENGLAND



HAWAII



ITALY




NORTH AMERICA




MEXICO



EGYPT



KENYA



PERU








Ditirwana tsa puiso ya ditlhophha



- Bolelela tsala ya gago gore a o ratile kgang e kgotsa nnyaya.
Tshegetsa karabo ya gago ka lebaka.
- Tsayo gore o ne o le Mokapotene Josefa. O ne o ka dira eng?
- A re tseye gore Helikopotara ya phaloso ga e a goroga.
O akanya gore go ka bo go diragetse eng?
- A o akanya gore kgang e ke ya nnete?
Tshegetsa karabo ya gago ka lebaka.



Lebelela ditshwantsho tse 2. Akanya ka ga dipotso tse di latelang mme o tlotle ka ga dikarabo tsa gago le tsala ya gago.



- a. Bolelela tsala ya gago gore go diragala eng mo setshwantshong sengwe le sengwe.
- b. Ke maikutlo afe a o akanyang gore bana ba nnile le ona mo setshwantshong sengwe le sengwe?
- c. A o setse o kile wa ikutlwajaaka ba ikutlwile mo ditshwantshong tse pedi?
- d. Bolelela tsala ya gago gore ke eng se se dirang gore o nne le maikutlo a a fa godimo.



3

Feleletsa tirwana e mo bukeng ya gago ya dithutiso.

- a. Batla mafoko a a nang le medumo e e latelang mo kgannyeng e mme o a kwale: tsh ts
- b. Batla mafoko a a felelang ka medumo e e latelang mo kgannyeng e mme o a kwale: -ile -ela -ng
- c. Batla mafoko a a nang le medumo e e latelang mo kgannyeng e mme o a kwale: eu ie ea ei ou
ee ua oo ai
- d. Batla mafoko a a nang le modumo b mme o a kwale.
- e. Kwala mafoko a a latelang mo thanoding ya gago:
sesa bokone lefatshe pelokgale kgakala
- f. Feleletsa dipolelo tse ka go dirisa matlama:

i. Ba tsamaile mo _____ ga lewatle

ii. Ba tshabetse ka fa _____ ga ditafole.

g. Kwalolola dipolelo tse di latelag ka pakajaanong.

i. Phefo e fokile bosigo.

ii. Ba batlile eng?

h. Kwalolola dipolelo tse mme o tsenye matshwaopuiso fa go tlhokegang teng.

i. ba batla eng

ii. tlhokomela

iii. josefa thabo marea le mohamete ke ditsala



4

Buisa dipotso mme o di arabele tsala ya gago.

- a. Naya setlhogo sa kgang e.
- b. Baanelwabagolo mo kgannyeng e ke bomang?
- c. Kgang e e diragalela kwa kae?
- d. A o akanya gore go sa ntse go na le magodu a dikepe le gompieno? Tshegetsa karabo ya gago ka lebaka.
- e. Go ya ka wena, a go babalesegile gore bana ba tseye leeto ka sekepe ba le bosi? Tshegetsa karabo ya gago ka mabaka.



5


Sobokanya kgang e ka mafoko a gago.

(Temana e le I. Dipolelo di le 8)



6

Dira mmotlolo wa kompase o mo go ona o supang dikaelo di le nne:
Bokone, Borwa, Botlhhabatsatsi le Bophirimatsatsi



PUOGAE YA MOPHATO 3



Buka 2

Leina kana setlhogo:	Letsholo la kwa lewatleng
Puo:	Setswana
Maemo:	Padiso ya Puogae ya Mophato 3 Maemo 1 Buka 1
Mofuta wa sekwalwa:	Kanelo
Mafoko a tlwaelo:	bana, sweditse, bona, kgatlhanong, nna, bosigo, bona, farologana, tshwana
Tlotlofoko:	leeto, kompase, baki ya botshelo, thelesekoupu, sentlhaga, utolola, helikopotara
Medumopuo:	eu, ie, ea, ei, ou, ee, ua, oo, ai, thr-, str-, -nds, -rth, -ght,
Diteng, marel le bokgoni:	<ul style="list-style-type: none">• Tlhagisa maikutlo ka ga kgang e.• Batlisisa go bakana le go tlholana ga ditiragalo mo kgannyeng.• Sekaseka, bapisa le go faphlogantsha tshedimosetso ka ga kgang.• Tatelano ya ditiragalo.• Feleletsa dipolelo o dirisa matlama.• Kwalolola dipolelo ka pakajaanong.• Dirisa matshwaopuso.• Araba dipotso tsa tekatlhaloganyo.• Sobokanya kgang (temana e le 1, dipolelo di le 8).• Sdimosa kgang.• Dira kompase.

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlao e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekathlaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2665-9



9 781431 526659



ISBN 978-1-4315-2665-9

**THIS BOOK MAY NOT
BE SOLD.**



basic education


Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di
mo Šelofong ya Puogae ya
Mophato 3:



**Robi Mmutlanyana o tsietsa
Freddie Phokojwe**

Letsholo la kwa lewatleng

Boitumediso mo khitsining

**Bukatsatsi ya Ngwana
Matshwenyego**



Go ngweega go gogolo

**Letsatsi le le bosula la ga
Thandi**

Beke ya go ka gakologelwa



**Go na le selalome mo rakeng
ya me**

**Kgetse ya dikukukopi tse di
latlhegileng**

Go a makatsa mme ke nnete